

DE SUCCINO

certatim concurrunt ex vicinis vicis,
tam noctu, quàm interdiu flante Fa-
uonio, aut Cauro, aut Thrafcia ven-
tis, quibus ad littora succinum im-
pellitur.

Ingrediuntur itaq; nudi mare, dum
adhuc feruet æstus, & fluctus interi-
tum minantur: hauriuntq; succinum
exiguis reticulis lino textis & affixis
ad anteriores longarum perticarum
partes, quæ furcarum instar ita didu-
ctæ sunt, vt fermè vlnam vnã pateant.
Miserabile autem est, miserrimos i-
stos officarios etiã hyberno tempo-
re cogi ad functionis suæ executionẽ:
& nudos quidem mare ingredi, quod
ideo fieri dicitur, ne vestitos mare suis
procellis abripiat: quæ certè natura
fluctuum ijs in locis esse solet.

Voluit Deus eodem modo mini-
stros Ecclesiæ certo consilio calami-
tatibus subijci: voluit esse nudos, ne
rebus secundis nimiũ vestiti ad mun-
di illecebras & pericula animæ rape-
ren-